

後山居士文集

五

後山居士文集卷第三

陳師道

無名書

詩六十八首

寄送定州蘇尚書

初聞簡策侍前旒又見衣冠送作州
北府時清惟可飲西山氣爽更宜秋
功名不朽聊通袖海道無違具一舟
枉讀平生三萬卷貂蟬當復自兜牟

寄荅李方叔

平生經世策寄食不資身孰使文章著
能辭轍跡頻帝城分不入書札訶何人
子未知吾懶吾寧覺子貧

智寶院後樓懷胡元茂

晚渡呼舟疾寒城着霧深昏鷗明鳥道
風葉亂霜林以客登臨目中年懷舊心
猶須一長笛領覽自霑襟

元日

老境難爲節寒梢未得春一官兼利害



百慮孰踈親積雪無歸路扶行有醉人
望鄉仍受歲回首向松筠

放懷

施食烏鳶喜持經鳥鼠聽杖藜矜矍鑠
顧影怪伶俜門靜行隨月窻虛卧見星
擁衾眠未穩艱阻飽曾經

絕句

此生精力盡於詩末歲心存力已疲不
共盧王爭出手却思陶謝與同時

陳三

二

送伯兄赴吏部改官

先子初增秩年侵鬢已皤念兄今善繼
此別喜如何親老家仍困門衰仕未多
猶須教兒子早要中文科

寄張文潛舍人

今代張平子雄深次子長名高三俊上
官立右螭旁車笠吾何恨飛騰子莫量
時平身早達未用夢凝香

來書云補外之
樂發於夢寐

後湖晚坐

水淨偏明眼城荒可當山青林無限意
白鳥有餘閑身致江湖上名成伯季間
目隨歸鴈盡坐待莫鷓還

春興

東風作惡不成寒野水穿沙自作灘細
艸無端留客卧繁枝有意待人看

次韻回山人贈沈東老二首

一杯領意不須沽六字持身已有餘癡
子未知天上樂先生今解世間書

陳三

三

隨世功名非所望稱家豐儉不求餘青
衫出指論竒字白髮挑燈寫細書

送孝忠二首

老眼元多淚春風見此行又爲貧賤別
更覺急難情斗食吾堪老詞場爾向榮
未須憐野鷺家法付宣城

經史三年學聰明一旦開把文甘潦倒
數日待歸來士患聲名早官今歲月催
有親須薄祿臨路尚徘徊

以拄杖供仁山主二首

錯節孤根勁有餘坐床須按起須扶一
生用底今相贈更問林間有此無
洗足投筇只坐禪厭尋歧路費行纏老
來不復人間事不用山公更削圓

項城道中寄劉令使修溪橋

老怯危橋泥沒膝喜聞吾黨政如春
君不惜千金費此後寧無我輩人

碓磨寨

陳三

四

以人爲食殺爲戲自昔無聞爾所先
信有亡身一言盡獨能遺臭萬人傳

寄張宣州

與世情將盡懷仁老未忘故人今五馬
高輿謾三長詩豈江山助名成沈鮑行
肯爲文俗事打鴨起鴛鴦

送倫化主

赤髭白足可憐生躡蹻擔囊壯此行
要致雪峯千五百不妨兼識謝宣城

西湖

小徑才容足寒花只自香官池下鳧鴈
荒冢上牛羊有子吾甘老無家去未量
三年哦五字草木借輝光

別月華嚴

寓世生同里隨方去有情來為百年別
不惜片時程齋鉢湏勤供經鐘莫倦鳴
當來第三會此界却逢迎

送吳先生謁惠州蘇副使

陳三

五

聞名欣識面異好有同功我亦慙吾子
人誰恕此公百年雙白鬢萬里一秋風
為說任安在依然一秃翁

別圓澄禪師

法施老人卧不出呼我取別行問疾摩
盤拭筋勸一飽少待湏更莫蒼粹早年
着眼覩文字萬卷初無一言契多生綺
語未經懺半世虛名足為累此去它來
尚有緣頭童齒豁恐無年懇懃三請父

住世弊惡可念未可捐平生准擬西行
計老着人間此何意他生佛會見頭陀
知是當年老居士

別觀音山主

離合應生理過逢豈近緣情親見今日
語妙記當年閉戶安禪主衝風逆水舡
不應清夜月故作別時圓

離穎

河市千人聚寒江百丈牽吾生能幾日

原三

六

此地費三年叢竹防供爨池魚已割鮮
拙勤終不補他日愧無傳

湖上

湖上難爲別梅梢已着春林喧鳥啄啄
風過水鱗鱗綠有三年盡情無一日親
白頭厭奔走何地與爲隣

舟中二首

惡風橫江江卷浪黃流湍猛風用壯疾
如萬騎千里來氣壓三江五湖上岸上

空荒火夜明舟中起坐待殘更少年行
路今頭白不盡還家去國情

野火燒原雉昏唯黃塵漲天牛亂鬪江
間無日不風波老去何時脫奔走詩書
滿腹不及口遮日寧湏釣竿手愧爾茅
簷炙背人仰目青天搔白首

規禪停雲齋

淨居衆夫人宮殿隨所適少仕老不歸
重門明榛棘道人秀叢林妙語出禪寂

陳三

二

是身如浮雲隨處同建立平生與二子
嗜好用一律我此復助緣語綺已多責
何年一把茅據坐孤岑律呵佛罵祖師
塗糊千五百

荅晁以道

轉走東南復帝城故人相見眼偏明十
年作吏仍糊口兩地爲隣闕寄聲冷眼
尚堪看細字白頭寧復要時名孰知范
叔寒如此未覺嚴公有故情

病起

今日秋風裏何鄉一病翁力微須杖起
心在與誰同災疾資千悟寃親併一空
百年先得老三敗未爲窮

九月九日魏衍見過

節裏能相過談間可解憂致踈君未肯
得此我何由語到君房妙詩同客子游
一經從白首萬里有封侯

別黃徐州

陳三

八

姓名曾落薦書中刻畫無鹽自不工一
日虛聲滿天下十年從事得途窮白頭
未覺功名晚青眼常蒙今昔同衰疾又
爲今日別數行老淚洒西風

次韻荅晁無斁

女生願有家名妾以不聘田里亦慕君
又惡不由正欲行不問塗已破寧顧甌
耕蠶無一廛庖井要三徑還家憂患餘
挽湏兒女競十年寧有此一寒可無命

平生晁夫子得士公室慶稍無車馬音
復作賓客請論文到韓李念舊說蘇鄭
長年斷消息獨語誰和應此生恩未報
他日目不瞑歸卧無好懷扣門有佳聽
詩來雪霜後更覺天宇淨少好老未工
持刃授子柄

次韻無斁偶作二首

肩聳三峯峻眉厖八字橫立談人絕倒
家法句新清八俊先張子諸公少賈生

陳三

少

已傳烏鵲喜欲聽鶴鴿聲

此老三年別何時萬里回更無南去鴈
猶見北枝梅曾有哀籠鳥寧湏溺死灰
聖朝無棄物與子賦歸哉

古墨行

并序

晁無斁有李墨半丸古裕陵故物也往
於秦少游家見李墨不爲文理質如金
石亦裕陵所賜王平甫所藏者潘谷見
之再拜云真廷珪所作也世惟王四學

士有之與此爲二矣嗟乎世不乏奇乏
識者耳敬爲長句率無數同作

秦郎百好俱第一烏丸如漆姿如石巧
作松身與鏡面借美於外非良質潘翁
拜跪摩老眼一生再見三歎息了知至
鑿無遁形王家舊物秦家得君今所有
亦其亞伯仲小低猶子姪黃金白璧孰
不有古錦句囊聊可敵眷思殿裏春夜
半燈火闌殘歌舞散自書細字茗邊臣

陳三

十

萬里風塵入長筭初聞橋山送弓劍寧
知玉盃人間見夜光炎炎衝斗牛曾有
太史占星變人生尤物不必有時一過
目驚老醜念子何忍遽磨研少待須臾
圖不朽明窻淨几風日暖有愁萬斛才
八斗徑須脫帽管城公小試玉堂揮翰
手

次韻晁無斁除日述懷

世學違從衆名家最近天感時猶壯志

得句起衰年。素酒無何飲。陶琴不具絃。
平生揮翰手。幾見絕韋編。

次韻無斃雪後二首

閉閣春雲薄。開門夜雪深。江梅猶故意。
湖鴈起歸心。艸潤留餘澤。窻明度積陰。
慇懃報春信。屋角有來禽。

取性無通介。隨時有異同。雪餘蓋地白。
春淺着梢紅。寄食虛長筭。論詩闕近功。
相看不相棄。賴有古人風。

陳三

士

贈魏衍三首

妙年文墨秀。儒林老眼今。晨得再明歷。
塊過都聊可待。未須回首一長鳴。

崔蔡論文不足過。新詩平處到陰何。寧
須萬戶權輕重。不待千篇一已多。

敏捷爲文筆不休。何妨縮手小遲留。名
駒已自思千里。老子終當讓一頭。

贈寇國寶二首

承家從昔如君少。得士於今孰我先。口

擬說詩心已解世間使馬不須鞭
徃歲黃童今寇君高文要學亦多聞留
年看舉夫南翼過目先空冀北羣
虎子墮地氣食牛雀兒浴處魚何求可
奈我衰才亦盡正須二子與同游

次韻春懷

老形已具臂膝痛春事無多櫻笋來敗
絮不溫生蠟虱大杯覆酒看塵埃衰年
此日仍爲客舊國當時只廢臺河嶺尚
堪供極目少年爲句未須哀

陳三

十二

河上

背水連漁屋橫河架石梁窺巢烏鵲競
過兩艾蒿光鳥語催春事窻明報夕陽
還家慰兒女歸路不應長

題柱二首

并序

永安驛柱廊東柱有女子題五字云無
人解妾心日夜長如醉妾不是瓊奴意
與瓊奴類讀而哀之作二絕句

桃李摧殘風雨春天孫河鼓嘯天津主
恩不與妍華盡何限人間失意人
從昔嬋娟多命薄如今歌舞更能詩孰
知文雅河陽令不削瓊奴柱下題

蠅虎

物微趣下世不數隨力捕生得稱虎匿
形注目搖兩股卒然一擊勢莫禦十中
失一八九取叨間流血腹如鼓却行奮
臂舌甚武明日淮南作端午

陳三

十三

陶朱公廟

千篇奏牘漫多知百戰收功未出奇名
下難居身可辱却將湖海換西施

次韻晁無斃夏雨

咫尺隔山海作書問如何蟻垤旣畝糧
蛙窟如鳴鬩積暑復一雨斧斫仍手摩
鈎窻欲懸麻出門已橫河人言月離畢
未必致滂沱東臯繁艸木蘭艾不同科
鷲魚畏密罟獨鳥鳴南柯稍無蟲飛喧

復覺蟬語多因聲作好惡與物殊未和
卧聞夜來雨歸種故山禾百年湏下澤
萬里付長羅先生斷百好尚以詩作魔
縮子萬言手聽渠七字哦室邇人則遠
燕默勞者歌思君得老瘦觸熱生積痾
敬問晁夫子官池幾許深已應飛鳥下
復作卧龍吟待我中痾愈同君把臂臨
泥塗無去馬夏木有來禽

陳三

五

次韻別張芸叟

中年爲別更堪頻四海無家託一身此
別時湏問生死孰知詩力解窮人

宿深明閣二首

窈窕深明閣晴寒是去年老將災疾至
人與歲時遷默坐兀如在孤燈共不眠
莫年身萬里賴有故人憐

縹緲金華伯人間第一人劇談連晝夜
應俗費精神時要平安報及愁消息真

墻根霜下艸又作一番新

東山謁外大父墓

土山宛轉屈蒼龍下有槃槃蓋世翁萬
木刺天元自直叢篁侵道更須東百年
富貴今誰見一代功名託至公少日拊
頭期類我莫年垂淚向西風

次韻晁無斁冬夜見寄

寒窻冷硯欲生塵短枕長衾却自親老
子形骸從薄莫先生意氣尚青春覆杯
不待回丹頰危坐猶能作直身城郭山
林兩無得莫年當復幾霑巾

寒夜有懷晁無斁

同好共城郭十日不一顧人事雖好乖
吾生亦多忤闔門對妻子歲月不可度
閉目寧用遮停杯仍下筯獨無區中緣
永懷巖下趣平生三徑資安得一朝具
萬里初歷塊前驅告曛莫懷歸屬有思
棄世不待怒老境厭透遲人情費將護

向來張長公吾亦從茲去燈花頻作喜
月色正可步預恐何水曹明朝有新句
除夜
七十已強半所餘能幾何懸知莫景促
更覺後生多遁世名爲累留年睡作魔
西歸端著便老子不婆婆

寄鄧州杜侍郎

南陽老幼如雲屯連日城東候使君後
者排前旁捷出爭先見面作慇懃六年

陳三

十六

重來已白髮一日再見回青春道傍過
者怪相問共言杜母真吾親使君雖老
心尚壯文彩風流諸謝上名家從昔杜
陵人盛德于今丈人行我昔卧病老彭
城畫船鳴鼓千里行致書饋奠初未識
丁寧勞苦如平生人言此事今未有古
人中求還得否忘年屈勢不虛辱公自
爲德吾何取菊潭之水甘且潔潭上秋
花照山白請公酌此壽百年奕奕長爲

此邦伯孰先一州後四方重金疊蓋登
廟堂請從今日至雲來月三十斛輸洛
陽

寄提刑李學士

石渠金馬青雲上東里西門濟水邊上
冢過家真樂事平時持節貴當年成家
舊學諸儒問脫手新詩衆口傳范叔一
寒今若此相逢猶得故人憐

寄杜擇之

杜寄惠近詩

陳

七

王

詩家兩杜昔無隣文彩傳家世有人疾
置送詩驚老醜坐曹得句自清新興來
不假江山助目過渾如州木春農馬智
專吾不讓衡陽紙貴子能頻

次韻晁無斁春懷

城郭朝陽散積陰郊原注目日青深年
衰鷗鷺如今是夢斷邯鄲何處尋語鵲
飛烏春稍稍重簾深院晚沉沉不辭杖
屨衝泥雪未有瓊琚報好音

寄晁無斁

稍聽春鳥語丁寧又見官池出斷冰雪
後踏青誰與共花邊着語老猶能笑談
莫倦尋常聽山院終同一再登今日已
知他日恨捨榆况得及飛騰

別寶講主

此地相逢晚他方有勝緣
呪功先服猛戒力得扶顛
暫息三支論重叅二老禪
夜床鞋脚別何日着行纏

趙州臨濟
皆曹人也

後山居士文集卷第三

